

28 AUG 2003

I

DR MAHATHIR RAI MEGAWATI DAN DELEGASI

KUCHING, 28 Ogos (Bernama) -- Perdana Menteri Datuk Seri Dr Mahathir Mohamad malam ini meraikan Presiden Indonesia Megawati Sukarnoputri pada jamuan negara di Kompleks Dewan Undangan Negeri di Petra Jaya di sini malam ini.

Jamuan itu sempena perundingan tahunan Malaysia-Indonesia yang berlangsung di sini hari ini.

Antara anggota delegasi Indonesia yang menghadiri majlis itu ialah suami Megawati, Taufiq Kiemas, Menteri Koordinasi Politik dan Keselamatan Susilo Bambang Yudihoyono, Menteri Luar Hasan Wirayuda dan Menteri Sumber Manusia Jacob Nuwawea.

Isteri Perdana Menteri Datin Seri Dr Siti Hasmah Mohamed Ali, Menteri Luar Datuk Seri Syed Hamid Albar, Menteri Pertahanan Datuk Seri Najib Razak, Menteri Sains, Teknologi dan Alam Sekitar Datuk Law Hieng Ding serta Ketua Menteri Sarawak Tan Sri Abdul Taib Mahmud adalah antara 450 tetamu yang menghadiri jamuan itu.

Presiden Megawati dan delegasinya dijadual berlepas balik ke Jakarta esok.

-- BERNAMA

CJ MOZ